

瑞安縣誌稿（民國）四

瑞安縣志稿

文獻編

雜事門

三國吳太元元年羅陽縣有神自稱王表周旋民間言語飲食與人無異然不見其形又一婢名紡績五月遣中書郎李崇賁輔國將軍羅陽王印綬迎表表隨崇俱出與崇及所在郡邑令長談論崇等無以易所歷山川輒遣紡績與其神相聞七月崇與表至權於蒼龍門外爲立第舍數遣近臣齎酒食往來說水旱諸小事往

往有驗

嘉慶志雜志○岐海瑣談十二引此事吳太元元年兵下有孫權一字李崇作李棠又云慶陽北定邊營有妖名趙太白日與人杯酒相集目參將指揮以下罔不狎而從之有貧乏者妖即重以賑予

所厭怒即以鐵簡飛車之一日訪其所厚諸貴人曰明日慶陽陳舉人至我與有干係不可相見當與諸君永訣已而慶陽陳震至震後爲少司馬正德時有聲尤遽于天文律歷之學趙妖者即王表之流抑豈山精木客之輩

托爲姓名作

祟于人間耶

安固縣有山鬼形體如人而一脚裁長一尺許好噉鹽伐木入鹽

王公大臣下

一委員會編印

輒偷將去不甚畏人人亦不敢犯犯之卽不利也喜於山澗中取石蟹伺伐木人眠息便十五五就火邊跂石炙噉之嘗有伐木人知其如此未眠之前痛燃石使熱羅置火畔便佯眠看之須臾魑出悉皆跂石石熱灼之跳梁叫呼罵詈而去此伐木人家後被

燒委頓

鄭緯之永嘉郡記孫詒讓輯本
山鬼當作山魃下魃字亦作魃

安固江口東北有仙石又山裏虛洞中有鍾乳穴口出縣山前跨江底潛通口江南採人深入洞裏常聞有波浪聲且不窮其遙莫

知所口

同上

安固陶邨有小山出紫石英人嘗於山下得一紫石英王府君聞之遣人緣山掘得數升芒角甚好色小薄孫府君亦掘得數升也

同上○孫詒讓云陶邨今無攷固上疑寧安字作固陶邨漢人皆稱太守爲府君晉宋時猶如此宋以前永嘉太守孫綽見晉書王克見干寶搜神記王羲之見乃與勝覽王味之王休並見宋書王和之見本書此王府君孫府君不知何人也

安固老山出白石英安固縣東山谷出鐘乳

同上

晉書薛兼傳字令長丹陽人東海王越引爲參軍轉祭酒賜爵安陽亭侯元帝爲安東將軍以爲軍諮祭酒稍遷丞相長史甚勤王事進爵安陽鄉侯通志以晉安陽卽今瑞安縣遂以平原王幹魏時封安陽亭侯荀勗嘗爲安陽令有遺愛文帝卽位封安陽子邑千戶不知北有安陽卽今彰德府地當魏晉未滅吳之先豈可以南地爲爵號而荀勗又豈能越溫爲令乎通志又以晉樂成卽今樂清遂以永嘉初詔彭城元王植子融爲河間王顥嗣改封樂成縣王不知河間自有樂成也永嘉郡之樂成縣後至孝武甯康二年始置懷帝時豈有是縣乎卽薛兼之封亭侯鄉侯本屬鄉亭亦未卽謂今瑞安縣且姑存之俟再考

瑞安府志第十六封爵門○案府志此說是也又引舊志宋項模贈瑞安縣男元王田官瑞安州知

州封永嘉縣男林邦在贈瑞安州知州封樂清縣男明崇簡王于祐在瓜化一十一年封瑞安

王王源封瑞安伯世襲去治六年進侯疑皆禮銜而已附載於此以備瑞安故事之一端云

嘉慶瑞安志雜志門錄梁武帝答陶宏景詔云省疏并見周氏遺蹟眞言顯然符驗前誥二三明白益爲奇特四卷并留之見淵文并具一二唯增讚歎十二月二十日考梁書五十一陶弘景傳弘景字通明丹陽秣陵人永明十年上表辭祿止於句容之句曲山恒曰此山下是第八洞宮名金壇華陽之天周回一百五十里昔漢有茅君得道來此山故謂之茅山乃中山立館自號華陽隱居始從東陽縣游岳受符圖經法徧歷名山尋訪仙藥不言其曾爲永嘉之游嘉慶志引舊志有周行己陶隱居丹室記略云崇甯三年夏六月維揚呂君少逸得陶隱居丹室于陶山佛寺本史故不載嘗至此方賈嵩采登眞訣作別傳云梁天監四年自海道至永嘉得木榴嶼居之作丹室今永嘉境中無所謂木榴嶼而室之下有仙壇丹井雖歲久相傳不可考然陶山之爲陶山舊矣豈山以

人著今名遂傳昔名遂歿乎行己所言如此案鄭緝之永嘉郡記地肺山在樂城縣東大海中去岸百餘里徐堅初學記引謝靈運名山志地肺山王演山記謂之木榴山一名地肺孫詒讓校語云木榴山陶弘景周氏冥通記一作木榴山太平寰宇記九十九又作木陋嶼卽今玉環同知治所則方氏所謂丹室在今玉環界中不在瑞安之陶山明矣行己此文不見浮沚集原本嘉慶志錄自嘉靖志展轉附會難能盡信復於福全山中稱有白雲嶺本弘景答梁武帝山中何所有嶺上多白雲只可自怡悅不堪持贈君四語斯真愈出愈奇矣夫瘞鶴銘在鎮江與丹陽近隔咫尺署曰華陽真逸考古家尙以爲難能徑決爲弘景所作况僻處甌駱之陶山而謂其踪跡至此乎

纂

甌江逸志云去温州郡城三十里許曲徑修篁迥非人間世其最

瑞安縣志稿（民國）

委員會編印

佳者瀑布泉也此卽指仙岩而言張又新煎茶水記劉伯芻稱揚子江南零水第一及刺永嘉取仙岩瀑布水用之不下於南零又新陸澤人唐敬宗時温州刺史見府志職官門而陸進東甌掌錄云余嘗坐梅雨潭與老僧談苦空話僧汲水煮茗覺文園之渴頓解恨無玉川量罄龍團數瓶爲快則仙岩甘泉固夙有名矣

張揚仙
岩山志

六

温州府志唐路應字从衆大厓間爲温州刺史全唐詩載路應仙岩四瀑布卽事詩寄上祕書監包侍郎七兄吏部李侍郎十七兄婺州趙中丞處州齊諫議明州李九郎十四韵同時和作者有李縝戴公懷孟荆並方外靈澈四人包祕監李侍郎等今並無考惟處州府志職官門齊抗字選舉自諫議大夫出刺括州在唐貞元間適與路應同時則所云處州齊諫議當卽此人也

仙岩山
志六

巖庵在大畧山門峯巒奇絕游踪罕至唐呂純陽有題巖庵石壁詩山中樓閣倚雲端極目煙霞萬里看法鼓應雷通世界禪心映月照蒲團風吹洞草三春暖雨濺巖花六月寒惟有紫微星一點夜深長挂石欄杆

嘉慶志

處州府志雜志秦少游監括州酒稅青田曇法師於溪南法安寺築室居之因賦二絕云竹柏蕭森溪水南道人爲作小圓庵市區收罷魚豚稅來與彌陀共一龕此身分付一蒲團靜對蕭蕭竹數竿便爲老僧煎茗粥自攜修綆汲清寒二詩並載蘇詩補遺市區收稅與坡公宦績不合蓋商邱宋氏增訂時博采誤收復益一絕作三首耳考瑞安志仙釋門曇法師本瑞安居青田之慈仁寺每月十餘日不火食人咸異之尤善吟詠秦少游謫處州時與曇相與最篤並錄少游去括留別詩一首不知又有此二絕也

宋慈拒嚴齋雜

記

樓鑰攻媿集七十七跋林氏所藏趙清獻父子詩有云清獻公以元豐二年春加太子少保致仕明年次子景仁倅永嘉從公游天台雁蕩吳越間榮之至今廳宇有戲彩堂猶爲盛事萱堂林先生隱居樂道與公父子游頃歲客授之初登堂慕想嘗錄三人唱和之篇茲從萱堂元孫晉獲見真跡以神道碑攷之正三年庚申歲也清獻父子定交寒士萱堂以布衣與大臣爲寮友高風凜然俱可敬而仰哉考嘉慶志林石傳言趙清獻抃就養郡丞署曾造其廬游山倡和與此可互證

甌海軼聞
參嘉慶志

林靈素初名靈噩字歲昌永嘉人嘗住集真觀臥神座下不火食人稱之曰懶闍仙一日至街上左手持豬肝一個右手以箸擊盤人莫知其故三日後城中大火乃曰我前持豬肝肝屬火甌人以

署爲快以示快搬之意其寓意如此

嘉慶志
引野史

林介夫有孫名松孫字喬年陳止齋新歸墓表稱喬年有詩易學
晚好尙書爲文雅潔善道實事最厚陳公少南少南先達以說春
秋觸忌諱流落嶺表以死喬年遂不樂舉進士保邱墓善風俗自
號兌光居士感憤爲詩每一篇必曰憂邊云案祝穆方輿勝覽三
十六陳鵬飛字少南永嘉人以言事謫死惠州初居郡之舍人巷
面湖榜曰謫官湖唐子西詩湖邊冷艷浸秋浦湖上寒光轉夜鳥
太白持盃問月夜予爲題作謫官湖少南爲趙汝愚張浚同調見
宋元學案與喬年爲友喬年之品節可見矣

嚴齋
雜記

宋時樂清鄭邦彥於政和初入京五占魁選聲名藉甚其任也趙
相鼎荐之甚力其歿也呂東萊挽之以詩樂清志稱嘗從許橫塘
問學今按橫塘集十七有答鄭國材書云示問中庸大旨非公好

王

委員會編印

學不恥下問誰肯千里移書見及耶曲能有誠謂之致力於所偏曲其義有所未安誠如來翰蓋擇善而固執之者學者之事也擇者當如何學問思辨是也此所謂致曲曲能有誠誠於致曲而已國材卽邦彥也

張蔭
雜記

朱鴻瞻竹園類輯周仲宣墓誌銘治南數百步正議巷以官名慕賢坊以德名皆周氏遺徽也邑卿士大夫顯達者衆矣當時則榮歿則已焉而周氏俎豆之於庠繫人遐思如此爲周氏後者可以興矣正議巷慕賢坊皆在瑞安城南嘉慶志謂爲正議大夫周泳所居巷口慕賢坊卽表周氏而作因以周行己爲瑞安人並其祖豫父泳列瑞安選舉志中考葉水心集周鎮伯墓誌云余旣廬松臺下而周氏居二百年矣則浮沚之族居松臺下今周宅巷有其子孫鄒維璉達觀樓集周尙文墓誌云其先閩之赤岸人徙居永

嘉松臺里宋有行己仕博士厥孫學古應漕舉學古之孫如堅登
慶元右科官合浦令不言其父泳爲何官孫衣言甌海軼聞三謂
周豫爲周行己從祖據浮沚集六從弟字說云由温州仕起家者
爲江陰江陰生四十七年官司封員外郎職集賢校理而卒某嘗
恨其壽不充德位不登才意其後必有大興起者不在於諸父氏
必在於爾伯仲間也此司封員外郎卽周豫爲浮沚從弟之祖府
志以員外爲郎中與嘉慶瑞安志合不言其嘗知江陰今江陰志
秩官有周述無周豫皆當有誤嘉慶志又稱行己父泳爲磁州倅
亦於別書及浮沚集無考

採訪
冊

許景衡答周之翰啓比緣漕檄備數瑣闡方虞裁鑒之非才何幸
英豪之在上先輩能強爲善非小有才自昔賢關已擅一時之譽
迨茲鄉賦果偕羣俊之升方將脫迹塵埃振翼雲漢豈惟較藝英

雄已入於穀中行見登名風采想聞於天下愧慶書之未上辱華翰以相先自惟公選之得人敢謂私恩之在己永言欣佩莫罄敷

宜

許景衡橫塘集十四案之翰即周淳中之父見葉適水心集周淳平墓誌銘

高宗駕幸温州時有司斥賣官產許景衡妻胡氏乞給借所僦官屋上顧呂頤浩曰朕卽位以來執政中張穀最直其次景衡詔以

官屋賜其家

姜準岐海瑣談十六

尚書左丞諡忠簡許景衡墓賜葬鹽官安義里今呼其地曰許墳村見海甯縣志及杭州府志三十四

項傳霖九山筆記

宋紹興十八年同年錄五甲第一百四十二名徐履本貫温州瑞安縣時秦檜欲妻以女因陽狂廷對不答一字乃附五甲末時人爲之語曰殿榜若還顛倒挂徐履依然作狀元事載附錄按朱朱文公即是榜五甲第九十人是錄存世謂以文公故不知榜末尙

赫然有徐履在

俞樾茶香
室叢鈔

朱完字純甫少從進士舉以疾廢杜門謝人事元祐中邑人叛佛廟峴山下而君適有地介其間佛者議丐於君弗聽請以旁近地易之君弗聽又數倍其直冀君售焉且日君有疾毋沮善事可以徼安甯之祉否且病君曰若言怪吾聖人不言也未幾果病邑人駭甚申論者相屬君以爲吾病非命也耶卒不聽崇甯改元七月某日卒年六十五葬於邑之橫山陶公谷

許景衡橫塘集
朱純甫墓誌銘

黃宗義南雷文定七陳定生先生墓誌銘陳氏爲止齋之後由永嘉徙宜興遂爲望族孫衣言云我邑澍村陳氏近無聞者或疑大儒無後讀定生墓誌則止齋之後實徙宜興明時遂爲望族天啓時左都御史贈少保于庭與楊左諸公皆入黨籍少保子爲定生先生貞慧定生子爲檢討維崧則君子之澤遠矣

歐陽軼
聞七

朱子語類一百二十七高宗行達會稽婁寅亮待次某縣丞寓會稽村落中出奏書乞建儲高宗時年二十六七大喜即日除監察御史遣黃院子懷勅牒物色授之中使至其家家人聞倉卒有聖恩以爲得罪且死相與環泣寅亮出使者自懷中出勅命寅亮拜受與使者俱詣行在所此事國史不載王明清揮麈三錄一婁陟明名寅亮永嘉人早負才名游上庠有聲南渡後始爲上虞丞大駕駐越上陟明扣闥抗疏首發大計之端上讀之大以歎悟富季申時爲樞密即令召對改官除監察御史告詞云汝俊造策名慷慨自任上書論事憂國甚深深有大用之意未幾會秦師垣入相嫉之撫其前任微罪廢棄以終或云陟明被譴後還鄉值江漲父子歿於巨浸未知果否考陳止齋文集二十四奏乞褒錄寅亮子孫有云寅亮以上虞縣丞敢建大議高宗嘉納擢爲御史時議不

同竟死小官澤不及後遂以乏祀若以至和嘉祐故事言之宜在褒崇之典則寅亮父子歿於水止齋未言疑王明清所載不足信周煇清波雜志亦稱其溺死誤矣史能之毘陵志十一載欽宗靖康元年詔試天下士於毘陵考試官有權越州稅院婁寅亮李心傳朝野雜記一載寅亮請立太祖後富直柔荐之有旨召對今瑞安志並未載惟載其請立太祖後劄子耳

採訪冊

洪邁容齋五筆十乾道二年十一月薛季益以權工部侍郎受命使金國侍從共餞之於吏部尙廳陳應求主席自六部長貳之外兩省官皆預凡會者十二人薛在部位最下應求揖之爲客辭不就曰常時固自有次第奈曰今日不然諸公言此度正爲侍郎設何辭之爲薛終不可予時爲右史最居末坐給事中王日嚴目予曰景廬能倉卒間對應願出一轉語折中之予笑謂薛曰孟子不